

吳越春秋

冊全

卷之三

三

吳越春秋

四倍前要

吳越春秋卷之...

四部備要

史部

上海中華書局據古今逸

史本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

吳越春秋序

吳越古稱東南僻遠之邦然當其盛彊往往抗衡上國黃池之會夫差欲尊天子自去其僭號稱子以告令諸侯及越既有吳勾踐大盟四國以共輔王室要其志皆歸于尊周其知所天矣孔子作春秋雖小國猶錄而書之而况以世言則禹稷之裔以地言則會稽區具其川其浸周職方氏列爲九州之首皆足以望天下故記可闕而不傳乎吳越春秋趙曄所著隋唐經籍志皆云十一卷今存者十卷殆非全書二志又云楊方撰吳越春秋削繁五卷皇甫遵撰吳越春秋傳十卷此二書今人罕見獨曄書行于世曄傳在儒林中觀其所作乃不類漢文按邯鄲李氏圖書十志目亦謂楊方嘗刊削曄所爲書至皇甫遵遂合二家考正爲之傳註又按史記註有徐廣所引吳越春秋語而索隱以爲今無此語者他如文選註引季子見遺金事吳地記載闔廬時夷亭事及水經註嘗載越事數條類皆援據吳越春秋

今曄本咸無其文亦無所謂傳註豈楊方所已刊削而皇甫所未考正者耶曄書最先出東都時去古未甚遠曄又山陰人故綜述視他書所紀二國事爲詳取節焉可也其言上稽天時下測物變明微推遠僚若著蔡至于盛衰成敗之迹則彼已君臣反覆上下其議論種蠡諸大夫之謀迭用則霸子胥之諫一不聽則亡皆鑿鑿然可以勸戒萬世豈獨爲是邦二千年故實哉曄書越舊嘗鋟梓歲久不復存汴梁劉侯來治越獎勵學校蒐遺文脩墜典乃輟義田廩羨財重刻于學不鄙謏聞屬以考訂且命序其左端夫越人宜知越之故則是舉也于所闕不爲無補遂不得辭厥旣刊正疑訛過不自量復爲之音註併考其與傳記同異者附見于下而互存之惜其間文義猶有滯礙不可訓知不敢盡用臆見更定又無皇甫本可證姑從其舊以俟後之君子考焉侯名克昌世大其字云郡人前進士徐天祐受之

序

吳越春秋目錄

卷第一

吳太伯傳

卷第一
元本太伯傳作吳王太伯傳太伯三以天下讓宜王而不王者也吳之後君又未嘗追王之尊之曰王名不與實稱也今去王字以從其實

卷第二

吳王壽夢傳

卷第三

王僚使公子光傳

卷第三
元本不曰吳王僚傳而曰王僚使公子光傳蓋謂使之伐楚耳光即闔閭既有傳此云使公子光費也今姑從其舊

卷第四

闔閭內傳

卷第五

夫差內傳

元本闔閭夫差傳皆曰內傳下卷無余勾踐傳皆曰外傳
內吳而外越何也况擘又越人乎若以吳為內則太伯壽
夢王僚三傳不曰內而闔閭夫差二傳獨曰
內又何也今不敢輒去內外二字姑存之

卷第六

越王無余外傳

卷第七

句踐入臣外傳

元本越王句踐入臣獨無外傳字今
補其闕姑從越諸傳亦作外傳云

卷第八

句踐歸國外傳

卷第九

句踐陰謀外傳

元本句踐入臣歸國伐吳諸傳皆書名獨陰謀傳書越王而不名不知何義今於陰謀傳去越王二字而書句踐從也諸例

卷第十

句踐伐吳外傳

萬歷丙戌之秋
武林馮念祖重
梓於臥龍山房

吳越春秋目錄

吳越春秋吳太伯傳第一

後漢趙曄撰

吳之前君太伯者

論語作泰伯

后稷之苗裔也后稷其母台氏之女姜嫄

韓詩章句姜姓嫄字說文郤炎帝之後姜姓封郤國晉語曰黃帝以姬水成炎帝以姜水成故黃帝為姬炎帝為姜是姜者炎帝之姓史

記嫄作原合作郤郤國在京北武功縣所治釐城漢地理志作釐與郤同為帝嚳元妃年少未孕出游於

野見大人跡而觀之中心歡然喜其形像因履而踐之身動意若為

人所感後妊娠恐被淫泆之禍遂祭祀以求謂無子履上帝之跡詩

民篇所謂履帝武是也天猶令有之姜嫄怪而棄于阨狹之巷牛馬過者折折

當作辟易而避之詩云誕置之隘巷牛羊腓字之復棄於林中適會伐木之人多詩云

之平林會伐平林復置於澤中冰上衆鳥以羽覆之詩云誕置之寒后稷遂

得不死姜嫄以為神收而養之長因名棄為兒時好種樹樹亦禾黍

桑麻五穀相去聲五土之宜青赤黃黑陵陸地水高下粢稷黍禾藁麥豆

稻各得其理堯遭洪水人民泛濫遂遂疑當高而居堯聘棄使教民

山居隨地造區妍窮也營種之術三年餘行人無饑乏之色乃拜棄為

農師封之台號為后稷姓姬氏后稷就國為諸侯卒子不窋立帝王世紀

后稷納姑氏生不窋括地志曰不窋故城在慶州弘化縣南三里遭夏氏世衰失官奔戎狄之間其

孫公劉周本紀不窋卒子鞠立鞠卒子公劉立公劉慈仁行不履生草運車以避葭葦

公劉避夏桀於戎狄變易風俗民化其政公劉卒子慶節立其後八

世而得古公亶甫慶節子皇僕皇僕子老弗老弗子毀隃世本隃作榆毀隃子公非公非子高圉高圉子亞圉世本作

亞圉雲都皇甫謐曰雲都亞圉字亞圉子公叔祖類公叔祖類子古公亶甫毛詩史記甫皆作父甫父通自慶節至是為八世脩公

劉后稷之業積德行義為狄人所慕薰鬻戎姁而伐之薰鬻孟子作

薰育漢匈奴傳作葦粥音同古公事之以犬馬牛羊其伐不止事以皮幣金玉重

寶而亦伐之不止古公問何所欲曰欲其土地古公曰君子不以養

害害所養孟子曰君子不以其所以養人者害人國所以亡也而為身害吾所不居也

古公乃杖策去邠踰梁山而處岐周徐廣曰新平漆縣東北有豳亭杜預云豳在新平漆縣東北索

隱曰豳即邠也又徐廣曰岐山在扶風美陽西北其南有周原顏師古曰梁山在夏陽岐山在美陽即今岐州岐山縣箭括嶺也曰

彼君與我何異邠人父子兄弟相帥負老攜幼揭釜甑而歸古公居

三月成城郭一年成邑二年成都而民五倍其初古公三子長曰太

伯次曰仲雍雍一名吳仲史記作虞仲少曰季歷太姜生少子季歷即王季也季歷娶

妻太任氏音泰任詩大明篇擊仲氏任毛氏箋擊國任姓仲中女也史記作太任列女傳太任擊任氏之中女生子昌

昌有聖瑞尚書緯帝命驗曰季秋之月甲子赤爵啣丹書入于古公

知昌聖欲傳國以及昌曰興王業者其在昌乎因更名曰季歷太伯

仲雍望風知指曰歷者適也知古公欲以國及昌古公病二人託名

採藥於衡山南岳遂之荆蠻斷髮文身為夷狄之服示不可用古公卒

太伯仲雍歸赴喪畢還荆蠻國民君而事之自號為勾吳漢地理志太伯奔荆

蠻號曰勾吳顏師古註夷俗語發聲猶越為于越也吳人或問何像像疑當作據而為勾吳太伯曰

吾以伯長居國絕嗣者也其當有封者吳仲也故自號勾吳非其方

乎荆蠻義之從而歸之者千有餘家共立以為勾吳數年之間民人

殷富遭殷之末世衰中國侯王數用兵恐及於荆蠻故太伯起城周

三里二百步外郭三百餘里在西北隅名曰故吳太伯所都謂之吳城在梅里平墟今

無錫縣境人民皆耕田其中古公病將卒令季歷讓國於太伯而三讓不

受故云太伯三以天下讓於是季歷蒞政脩先王之業守仁義之道

季歷卒子昌立號曰西伯按孔叢子羊容問子思曰周自后稷封為王者之後至太王王季文王此為諸侯奚

得為西伯乎子思曰吾聞諸子夏曰殷帝乙之時王季以九命作伯於西受圭瓚秬鬯之賜故文王因之得專征伐此諸侯為伯猶召公

分陝謂之遵公劉古公之術業於養老天下歸之西伯致太平伯夷

自海濱而往西伯卒太子發立發武王名任周召周公曰召公奭而伐殷天下已

安乃稱王追諡古公為太王追封太伯於吳太伯祖卒葬於梅里平

墟即太伯故城之地劉昭云無錫縣東皇山有太伯冢去墓十里有舊宅其井猶存皇覽云太伯墓在吳縣北梅里聚二說不同此云

平墟當以仲雍立是為吳仲雍仲雍卒子季簡簡子叔達達子周章

劉說為正章子熊熊子遂遂子柯相相子疆鳩夷夷子餘喬疑吾吾子柯廬廬

子周繇繇子屈羽羽子夷吾吾子禽處處子專專子頗高高子句畢

立史記世家熊子遂作熊遂喬作橋廬作廬專作轉譙周古史考作柯轉畢作卑是時晉獻公滅周北虞虞

公以開晉之伐虢氏卑子去齊齊子壽夢立夢左傳莫公切而吳益
疆稱王凡從太伯至壽夢之世與中國時通朝會而國斯霸焉

吳越春秋吳太伯傳第一

吳越春秋與太前勅第一

公以開... 吳越春秋與太前勅第一

吳越春秋吳王壽夢傳第二

壽夢元年史記索隱曰自壽夢已下始有其年朝周適楚觀諸侯禮樂魯成公會於鍾

離鍾離之會吳始與中國接事見春秋魯成公十五年以史記年表

置鍾離縣屬九江今屬濠州深問周公禮樂成公悉為陳前王之禮樂因為詠歌

三代之風壽夢曰孤在夷蠻徒以椎髻為俗豈有斯之服哉因歎而

去曰於乎哉禮也

二年楚之亡大夫申公巫臣子靈也適吳以為行人教吳射御導之伐

楚見左傳成公七年按巫臣怨楚子反而奔晉自晉請使吳教吳用

之禮籍以待兵叛楚使其子狐庸為吳行人非巫臣為行人也行人掌國賓客

四方之使楚莊王怒使子反將去聲敗吳師二國從斯結讎於是吳

始通中國而與諸侯為敵蠻夷屬楚者吳盡取之始大通吳於上國

五年伐楚敗子反

十六年楚恭左傳作共王怨吳為巫臣伐之也乃舉兵伐吳至衡山而還

見左傳襄公三年楚克鳩茲至于衡山杜預曰衡山在吳興烏程縣南楚歸三日吳人伐楚取駕此不書

十七年壽夢以巫臣子狐庸為相任以國政二十五年壽夢病將卒

有子四人長曰諸樊次曰餘祭祭側次曰餘昧昧莫次曰季札季札

賢壽夢欲立之季札讓曰禮有舊制柰何廢前王之禮而行父子之

私乎壽夢乃命諸樊曰我欲傳國及札爾無忘寡人之言諸樊曰周

之太王知西伯之聖廢長立少王之道興今欲授國於札臣誠耕於

野王曰昔周行之德加於四海今汝於區區之國荆蠻之鄉奚能成

天子之業乎且今子不忘前人之言必授國以次及于季札諸樊曰

敢不如命壽夢卒見春秋襄公十二年秋九月吳子乘卒左傳書壽夢卒杜預曰壽夢吳子之號諸樊以適

適通作嫡長攝行事當國政正出也

吳王諸樊元年史記年表吳諸樊元年為魯襄公十三年諸樊在位十三年卒是為襄公二十五年此書止載元年事餘皆不已除喪讓季札曰昔前王未薨之時嘗晨昧不安吾望其色也

意在於季札又復三朝悲吟而命我曰吾知公子札之賢欲廢長立

少重發言於口雖然我心已許之然前王不忍行其私計以國付我